

No interesado a makipartisipar, bumisita wenno umawag kadagiti sumaganad:

National Irrigation Administration (NIA),
Regional Office No. 02
Magat River Integrated Irrigation System (MARIIS)
Cauayan City, Isabela
Contact Number: (078) 652-2033, (078) 307-0285 / 307-1681
Email Address: niacag02@yahoo.com

Department of Agriculture
Regional Field Office NO. 02
Nursery Compound, San Gabriel, Tuguegarao City, Cagayan
TeleFax Nos: (078) 844-1031/846-9131
Email Address: da_rfu2000@yahoo.com

COOPERATING AGENCIES/ENTITIES:

National Food Authority (NFA)
Philippine Crop Insurance Corporation (PCIC)
Land Bank of the Philippines (LBP)
Philippine Rice Research Institute (PhilRice)
Bureau of Plant Industry (BPI)
Seed Growers
Irrigators Associations (IA)
PLGUs
MLGUs


Let's support the 5 in 2 in
Region 2 and attain Rice
Self-Sufficiency by 2013!




Insagana ken inpablaak ti:


Public Affairs and Information Staff (PAIS),
NIA Region 02


Agricultural Communication (AgCom) Section,
DA-RFO 02

 **DEPARTMENT OF AGRICULTURE**
Regional Field Office No. 02
Tuguegarao City, Cagayan

 **NATIONAL IRRIGATION
ADMINISTRATION**
Regional Office No. 02

5 in 2 in Region 2





The poster features a map of Region 2 in the Philippines, where each province is filled with a different agricultural scene: rice fields, farmers working, and irrigation systems. The top left corner contains the Department of Agriculture logo and the Regional Field Office No. 02 name. The top right corner features the National Irrigation Administration logo and name. The central text '5 in 2 in Region 2' is prominently displayed. The bottom right corner includes the 'AGRI Pinoy' logo.

PAKAUNA

Iti agdama, kalikagumanan ti gobyerno a magun-od ti “Rice Self Sufficiency” iti panagngudo ti tawen 2013. Ti kayat a sawen daytoy ket maaddaan tayo iti agsobsobra a supply ti bagas iti sapa a Pilipinas ken saantay ton nga agangkat manipud sabali a nasyon.

Tapno magunod daytoy a sirmata, kasapulan a mapaadu ti produksiyon ti pagay. Kangrunaan a rason no apay a nababa ti maapit ket epekto dagiti kalamidad kas koma ti bagyo, tikag, layus ken panagramaram ti sakit ken peste kadagiti pinagayan.

Ti gobyerno ket agpampanunot kadagiti wagas tapno maliklikan dagiti didigra ken mapaadu ti apit ni kabsat a mannalon. Ngarud, kasapulan dagiti baro ken epektibo a wagas iti panagtalon a maisuro kadagiti mannalon ken makapagtitinnulong amin a sektor a manggun-od ti nasao a gandat iti kabiitan a panawen. Maysa a wagas ket babaen ti makunkuna a 5-in-2 in Region 02.

SALSALUDSOD MAIPANGGEP ITI 5-in-2 IN REGION 02

1. Ania ti masasao a 5-in-2 in Region 2?

Daytoy ket maminlima a panagmula iti uneg ti dua a tawen. Kadawyan ditoy Region 02 nga uppat a beses laeng ti panagmula dagiti mannalon iti las-ud ti nasao a panawen.

2. Apay nga adda kastoy a programa?

Maaramid daytoy tapno mailiklik dagiti mula iti didigra nga itden dagiti kalamidad aglalo iti bulan ti Septyembre ken Oktubre. No mapaadu to produksiyon, adda posibilidad na a datayonton ti aglako imbes nga agangkat manipud iti sabsabali a nasyon.

3. Ania dagiti naituding a Cropping Calendars?

Ti cropping calendar ket depende iti kada irrigation systems ti National Irrigation Administration (NIA) ken Magat River Integrated Irrigation System (MARIIS). Dagitoy ket masapul a masuro tapno malisyan ti panagramaram dagiti peste ken mailisi dagiti mula kadagiti didigra kas iti bagyo, tikag ken layus.

Makiuman kadagiti kaasitgan nga opisina ti NIA dita lugaryo para iti eksakto nga schedule ti panagpadanum wenno water releases.

4. Kasla assideg unay ti baet ti panagtalon. Di ngata agkurang ti nutrisyon dagiti mula ket bassit ti maapit?

Isayangkat ti NIA ken DA Region 02 ti “Nutrient Centralized System”. Ipadalan kadagiti turn-out ti padanum ti nutrisyon a kasapulan ti daga tapno sapa a panakaiwarasna kadagiti talon. Kasta met nga agtaginayun ti panagiwaras ti Compost Fungus Activator (CFA) tapno mausar a pangparupsa iti garami a pangpataba ti daga.

5. Ania dagiti tulong a mabalin nga ited ti gobyerno?

- Sigurado a padanum
- Panagpatanur kadagiti bin-i a kasapulan dagiti mannalon
- Pangipadalan iti compost activator iti danum a maiturong kadagiti talon.
- Panagisayangkat iti serye ti trainings wenno panagsanay para iti technology transfer.
- Naridam a panagatipa iti peste wenno “Pro Active Pest Control”.
- Panangisiguro nga itden ti Philippine Crop Insurance Corporation (PCIC) aglalo no panawen ti bagyo kas koma iti 5th cropping.
- Panagipasdek kadagiti post-harvest facilities.
- Gatangen ti National Food Authority (NFA) uray pay dagiti storm-damaged/affected crops dagiti mannalon.
- Incentive System kas iti plant now, pay later program / Sikat Saka/Credit line babaen ti Land Bank of the Philippines (LBP).

6. Kasano ngay no mabagyo dagiti mula ket bassit ti maapit, mabayadan kadi pay ti Irrigation Service Fee (ISF)?

No awan kwarenta (40) kaban a naapit iti tunggal ektarya, saanen a bayadan ti ISF.